
Decretum almae universitatis parisiensis.

Numéro d'inventaire : 1980.00013.30

Auteur(s) : Quintaine

Type de document : imprimé divers

Éditeur : Université de la Sorbonne (Paris)

Période de création : 2e quart 17e siècle

Date de création : 1626

Description : Impression N&B.

Mesures : hauteur : 528 mm ; largeur : 401 mm

Notes : Texte en latin informant que le Recteur de l'Université de la Sorbonne, après avoir examiné sur demande les passages incriminés d'un livre de théologie, condamne ceux-ci comme hérétiques. Une lettrine "Q" du mot "Quod".

Mots-clés : Théologie

Filière : Université

Niveau : Supérieur

Nom de la commune : Paris

Nom du département : Paris

Autres descriptions : Langue : Français

Nombre de pages : n.p.

Commentaire pagination : 1 page

ill.

Lieux : Paris, Paris

DECRETVM

ALMÆ VNIVERSITATIS

PARISIENSIS

ANNO SALVTIS MDCCXXVI DIE XII KAL MAIAS
IN MATVRINENSI, SCRIBENDO ADFVERVNT RECTOR,
DECANI, PROCVRATORES, MAGISTRI
VNIVERSITAS STVD IORVM.

QUOD verba fecit Rector, sapientissimum Ordinem Theologorum, pro suâ in Rem Christianam, Regem Christianissimum eiusque Imperium fide ac pietate, boni atque recti constanti amore, maiorum solenni more, Antonij Sanctarelli Iesuitæ de Hæresi, Schismate Apostasia, &c. Librum inspexisse, & deprehendisse in eius libri Capitulis XXX & XXXI. Tractatû de Hæresi, has propositiones: *Summum Pontificem posse pœnis temporalibus punire Reges & Principes, eosque deponere, & suis regnâ privare ob crimen hæresis, eorumque subditos ab illorum obedientia liberare, & amque semper in Ecclesiâ fuisse consuetudinem: & propter alias etiam causas, ut pro delictis si expedit, si principes sint negligentes: propter insufficientiam, & inutilitatem suarum personarum. Item, Pontificem ius & potestatem habere in spiritualia simul & omnia temporalia: & in eo esse de iure divino utramque potestatem, spirituales & temporales: credendum esse, Ecclesiâ summâque eius Pastori concessam esse facultatem puniendi pœnis temporalibus Principes transgressores legum divinarum & humanarum, præsertim si crimen fuerit hæresis. Eundem Sanctarellum asserere Apostolos suisque subiectis Principibus secularibus de facto non de iure: quin etiam statim atque consuetudine est Pontificia Maiestas, capisse omnes Principes esse illi subiectos: denique cum explicare verba Christi, Quodcumque ligaveris super terram, &c. non tantum de potestate spirituali, sed etiam de temporalis: Ipsumque sancto Paulo imponere, verba illius, detracta negatione, immutando, & multis auctoribus ab ipso citatis: alia etiam multa similia: Eâque propter, die III Aprilis, publicâ, iustâ legitimâque animadversione, notâ, censurâ, pestiferi eius libri propositiones istas improballes, & eam doctrinam quam continent, tanquam novam, falsam, erroneam, verbo Dei contrariam, Pontificiæ dignitati odium conciliantem, schismati occasionem præbentem, supremæ Regum auctoritati à Deo solo dependenti derogantem, Principum infidelium & hæreticorum conversionem impediendam, pacis publicæ perturbantem, Regnorum, Statuum, Regumque publicarum auctoritatem, subditos ab obedientia & subiectione auocantem, & ad factiones, rebelliones, seditiones & Principum perniciem excitantem, damnales:*

De ea re ita censuerunt. Laudandum amplissimis verbis sacrum Ordinem Theologorum, qui de improbâ & exitiali doctrinâ istâ piè religiose salubriterque statuerint, generi Christiano, Galliæque in primis præfæ veræque doctrinæ lumen opportunè ostenderint, maiorum virtutem retulerint, remque adeo fecerint illâ professione tuendæ veritatis & Studiorum Vniuersitate dignissimam.

Vtque nouæ ac pestilenti doctrinæ aditus omnis intercludatur, & omnes qui è disciplinâ nostra sunt, eamque in posterum amplectentur, aut in eam nomen dabunt, maturè intelligant sensus sibi animosque è Sacri Ordinis illâ Sententiâ comparandos, à damnatâ doctrinâ istâ longissimè disiungendos; Vtque eam omnes auerfentur, detestentur & abhorreant, priuatim ac publicè dedoceant, confutent, coarquant;

Faciendum, ut Supplicationum solemnî primo, tem quorannis in eo cœtu, qui publicè supplicandi & procedendi causâ, statim ab instauratis Scholismense Octobri agitur, priusquam cuiquam postulare quid liceat, à Procuratore Vniuersitatis ea Censura palam recitetur: tabulis librisque omnium Ordinum Nationumque inferibatur: eius exempla duo Aëtuarij sacre Facultatis manu distincta subscriptaque in commune tabularium inferantur: totiden ad singulos Collegiorum & Domorum Moderatores primo quoque tempore mittantur: ut omni opæ ac studio ab istius doctrinæ contagio atque peste, omnes qui eo contubernio domiciliouentur, arcant, operamque dent, ut ne cui contra quam sapientissimus Ordo decreuit iudicauitque, dicere faceretur: quicquam liceat.

Si quis eorum quid migrarit secus fecerit Doctor, Professor, Magister, Discipulus, Literarum ciuis, aut laudatissimam Censuram vlllo quouis pacto, dicto, scripto quacumque tandem de causâ obtentûve sollicitarit, mouerit, attentarit; Is ignominie causâ dimissus, Gradum, Ordinem, Tribumque perpetuo interdicto amittat.

QUINTAINE Scriba Vniuersitatis.